



ORDENANZA REGULADORA DA TAXA POR OCUPACIÓN DE TERREOS DE USO PÚBLICO MUNICIPAL CON MERCADORÍAS, MATERIAIS DE CONSTRUCCIÓN, REFUGALLOS, VALADOS, PUNTAIS, ASNILLAS, ANDAMIOS E OUTRAS INSTALACIÓNS ANÁLOGAS

Artigo 1. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da **Taxa pola ocupación de terreos de uso público municipal con mercadorías, materiais de construción, refugallos, valados, puntais, asnillas, andamios e outras instalacións análogas.**

Artigo 2. Feito imponible

Constitúe o feito imponible da Taxa a utilización privativa ou aproveitamento especial do dominio público municipal polos conceptos que se sinalan no título da Taxa e outros análogos como guindastres para a construción.

Artigo 3. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

Artigo 4. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5. Cota tributaria

A cota desta taxa será a que figura no anexo desta ordenanza.

Artigo 6. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7. Dereito a percibir

Tense dereito a percibi-la taxa e nace a obriga de contribuír:

- Nos servicios de retribución puntual, no momento de presenta-la solicitude de concesión ou autorización do aproveitamento.
- Nos servicios de retribución periódica, nace a obriga de contribuír o día primeiro de cada ano natural.

Artigo 8. Liquidación

- Cando se trate de servicios puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.
- Cando se trate de servicios de retribución periódica, liquidarase a taxa nos períodos que se sinalen na tarifa da taxa ou co padrón anual de exaccións municipais.
- Se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9. Ingreso

O pagamento desta taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.
- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11. Normas de xestión

- As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.
- No caso de denegarse as autorizacións, os interesados poderán solicita-la devolución da taxa ingresada en calidade de depósito previo.
- Unha vez autorizada ou concedida a licencia de aproveitamento entenderase prorrogada mentres non presente a declaración de baixa o interesado.
- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ó de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN FINAL

A presente modificación, aprobada por acordo plenario do 5 de outubro de 2007, entrará en vigor e comezará a aplicarse a partir do 1 de Xaneiro de 2008 e rexerá ata a súa modificación ou derogación expresas.

	Acordo	Publicación
Aprobación inicial	Pleno 23.11.1998	BOP 03.02.1999
Actualización cota	Pleno 13.12.2002	Pleno 12.03.2003
Actualización cota	Pleno 10.11.2003	BOP 26.12.2003
Modificación	Pleno 08.11.2004	BOP 30.12.2004
Modificación	Pleno 10.11.2005	BOP 16.11.2005
Modificación	Pleno 13.11.2006	BOP 30.12.2006
Modificación	Pleno 05.10.2007	BOP 11.12.2007

ANEXO

Primeiro. Tarifa

I. Para a aplicación desta taxa terase en conta a clasificación de rúas que se transcribe a continuación:

RÚAS DO GRUPO A:

Avda. de Benito Vigo
Praza de Galicia
Rúa de Calvo Sotelo
Rúa Ulla

Avda. de Pontevedra (ata a Avda. de Marín)
Praza da Constitución
Rúa nº. 5 ou rúa Castelao
Praza de Martínez Anido
Rúa Capitán Bernal
Rúa Peregrina
Avda. de América
Rúa de Waldo A. Insúa
Rúa de Padron
Praza da Igrexa
Rúa de Serafín Pazo (dende a Pza. de Galicia ata a Avda. de Benito Vigo)
Rúa de Pérez Viondi (dende a Pza. da Galicia ata a Avda. de Benito Vigo)
Rúa de Iryda (dende a rúa Justo Martínez ata a Avda. de Ponteareas)
Avda. de Ponteareas (dende a Porta do Sol ata a Avda. de Benito Vigo)
Rúa de Severino Trigo
Rúa Don Nicolás
Travesía de Vega de Armijo
Rúa Justo Martínez

RÚAS DO GRUPO B:

Avda. de Pontevedra (dende a Avda. de Marín ata o final)
Rúa Fernando Conde (dende a Porta do Sol ata o cruce coa estrada de Vinseiro)
Avda. de Santiago
Rúa nº. 18 de Ordenación Urbana ou Rúa de Cerdedo
Rúa nº. 19 de Ordenación Urbana ou Travesía Avda. de América
Rúa nº. 20 de Ordenación Urbana ou rúa de Forcarei
Rúa nº. 5 de Ordenación Urbana ou Antón Losada Diéguez
Avda. de Vigo
Avda. de Venezuela
Travesía Irmáns Valladares
Rúa San Paio (dende a Pza. de Galicia ata o límite do casco de poboación)
Rúa Gradín
Travesía de Veá
Rúa Serafín Pazo (dende a Avda. Benito Vigo ata o límite do casco de poboación)
Rúa Pérez Viondi (dende a Avda. Benito Vigo ata o límite do casco de poboación)
Rúa Iryda (dende a Avda. de Ponteareas ata o cruce que sae da casa de Hrdos. de D. Jesús Portela), ou rúa nº. 49
Rúa da Baiuca
Rúa do Muíño (dende a rúa Leicures ata o límite do casco urbán)
Rúa nº. 18 ou Travesía ou Prolongación Waldo A. Insúa
Rúa Marín
Rúa de Rosalía de Castro
Travesía do Cruceiro
Rúa nº. 24 ou nº. 58 das vixente N.O.S.P.
Prolongación da Avda. de Ponteareas ou Avda. da Torre (dende a Avda. de Benito Vigo ata o límite do casco de poboación)
Rúa do Matadoiro
Rúa Leicures
Rúa nº. 62
Rúa X ou nº. 13 das N.O.S.P.
Rúa Y ou nº. 11 das N.O.S.P.



Rúa nº. 14
Rúa nº. 29
Travesía da Igrexa
Praza da Feira

RÚAS DO GRUPO C:

Rúa de Iryda (dende a casa de Hrdos. de Jesús Portela ata o final)
Rúa do Cruceiro
Rúa da Cañoteira
Rúa Decoita
Rúa Penerada

Outros lugares do extrarradio e demais vías públicas do casco urbán non sinaladas anteriormente, enclavadas en solo urbano ou apto para urbanizar.

GRUPOS N e R:

Comprende as vías públicas enclavadas na zona rural do municipio.

II. TARIFA 1.- Ocupación da vía pública con mercadoría, maquinaria, vehículos de desfeito, madeiras, materiais de construción, entullos ou similares. Definición: Ocupación privativa ou especial do dominio público cos elementos indicados sexa calquera a súa forma de presentación, incluíndo calquera produto da industria ou comercio que, en principio, non presupón deterioro das calzadas, pavimentos ou beirarrúas, que prevé o seu posible deterioro polo mal uso da ocupación.

A contía correspondente será a indicada na seguinte relación considerando mínimos o metro cadrado ou fracción e un mes ou fracción.

Zona	€/m ² /mes
Zona A	3,63
Zona B	2,22
Zona C	1,52
Zonas N e R	0,35

Determinarase neste caso un afianzamento monetario en garantía da integridade técnica do ben en cuestión e do valor (o que se indica no cadro de prezos que se acompaña a esta Ordenanza).

TARIFA 2.- Ocupación da vía pública con contedores recipientes para entullos ou desperdicios e elementos similares. Definición: Ocupación privativa ou especial do dominio público cos elementos enumerados que no presupón deterioro das calzadas ou beirarrúas, e por iso, non precisan afianzamento monetario de garantía por danos causados.

A contía correspondente será o indicado na seguinte relación, considerando mínimos o metro cadrado ou fracción e un mes ou fracción.

Zona	€/m2/mes
Zona A	3,63
Zona B	2,22
Zona C	1,52
Zonas N e R	0,35

TARIFA 3.- Ocupación con puntais, asnillas, andamios, elementos similares, apoiados sobre o pavimento sen rotura deste. Definición: Ocupación privativa ou especial do dominio público cos elementos indicados, xeralmente apoiados sobre o dominio público mediante elementos puntais, directamente ou con tacos, apoios e outros elementos de suxeición sen rotura de pavimentos.

Non se presupón posible deterioro dos pavimentos ou beirarrúas ocupados e por iso non se afianzará garantía algunha. As contías obteranse da táboa seguinte polo número de elementos apoiados.

Zona	€/ud./mes
Zona A	2,22
Zona B	2,22
Zona C	2,22
Zonas N e R	0,35

TARIFA 4.- Ocupación con puntais, asnillas, andamios, elementos similares, con obras no pavimento para o seu apoio. Definición: Ocupación privativa ou especial do dominio público cos elementos indicados xeralmente apoiados sobre o dominio público mediante elementos puntuais, pero que requiren certas obras de afianzamento de apoios tales como dados de formigón, calas formigonadas, apoios tomados, etc. Existe deterioro dos pavimentos ou beirarrúas ocupados e por iso se afianzará garantía co importe dos prezos incluídos nesta Ordenanza, a razón dun apoio igual a 0,25 m². As contía obteranse da táboa seguinte multiplicando polo número de elementos apoiados.

Zona	€/ud./mes
Zona A	2,22
Zona B	2,22
Zona C	2,22
Zonas N e R	0,35

TARIFA 5.- Ocupación con vallas, caixóns de cerramento similares. Definición: Ocupación privativa ou especial do dominio público cos elementos indicados, sexan ou non para obras. Presuponse o posible deterioro dos pavimentos ou beirarrúas ocupados e por iso deberá afianzarse unha garantía polo importe que fixe o Técnico municipal para cubri-lo custo de reposición dos mesmos.

OBRAS MAIORES:

Zona	€/m/mes
Zona A	3,63
Zona B	2,22
Zona C	1,52
Zonas N e R	0,35

OBRAS MENORES (ml./semana)

Zona	€/m/semana
Zona A	0,95
Zona B	0,59
Zona C	0,35
Zonas N e R	0,12

TARIFA 6.- Guindastres. Definición: Ocupación privativa ou especial do dominio público con grúas, por semestre.

1. Guindastres utilizados na construción e apoiadas fóra do dominio público, onde os seus brazos ou plumas ocupen total ou parcialmente no seu percorrido voo da vía pública, polos metros cadrados realmente varridos.
2. Por guindastres apoiadas no dominio público e onde os seus brazos ou plumas sobrevoen voo de carácter público: polos metros cadrados de ocupación directa e os metros cadrados sobrevoados reais sobre o dominio.

As contías obteranse da táboa seguinte considerando un metro cadrado ou fracción a superficie mínima computable. No caso do epígrafe 2, sumaranse os diferentes conceptos:

Polos m ²	Ocupados	Voados
Zona A, €/m2/semestre	20,21	4,09
Zona B, €/m2/semestre	12,85	2,57
Zona C, €/m2/semestre	5,84	1,16
Zonas N e R, €/m2/semestre	0,59	0,12

Segundo. Outras normas especiais de xestión

Terceiro. Data de aprobación: 23 de novembro de 1998.